

新刊國朝二百家名賢文粹

新刊 國朝一百家名賢文粹卷第八十四

書

上宰相書七

上何宰相書

梅文安公

某嘗聞事不難無以見君子不有君子其能國乎若是君子云
者非必苟異於人也居無事時眠聽食息語默步趨人而已矣
惟此有危疑撥亂之變人輒顧忌震駭氣亂而識不明首鼠兩
端惛惛不決所趨舍吾獨正色耿耿辨是否不少貶卒使它議莫
吾奪方乘爲改心事定功成社稷有恃然後人知此君子爲可
尊耳雖然道之有君子有小人猶一氣之運有陰有陽也陽者
奇陰者偶故世之君子雖少小人常多即千百人中得一君子
焉非直可尊且可慮何以言之昔者成王踐阼之初承文武之
遺業治商之遺民命令恩威未素信於中外而周公猶以公心
直道冒衆疑而攝其政則將設官分職制禮作樂頒度量開明

墜以一天下而朝諸侯意非不美事非不章矣然而四國謗之
成王疑焉爲周公者方且如鴟鴞之譙其羽而左右莫之翼方
且如狐之噬羶其胡尾而進退有所難語迹之危亦既甚矣而
卒能履赤舄被袞衣不失几几之安大慰公歸之望者豈徒堯
堯之百濫得以自明哉是時在廷之臣爲保而賢如所謂召公
固嘗爲之不悅矣能以智率人如所謂周大夫固嘗爲之惡四
國矣又嘗爲之刺朝廷之不知矣其次如諸史百執事之衆又
嘗爲之噫歎以信金縢之事矣夫自賢而保智而大夫衆而諸
史百執事一皆漂然变色辨其忠義不可誣而旁敢流言以厚
誣公者管蔡商奄數小人而已是以天之威不得不爲變動而
成王之心不得不爲感涕而悟也向使是時爲保爲大夫爲百
執事者類皆變靡邪佞助爲險脅以誑誤上聰則公雖聖也其
能免投杼之疑乎事之幸不幸固有如是者矣豈不大可慮哉
曰者群小朋黨相爲表裏蔽虧太上聰明種種妄作自恃根株

連結未易動搖賴親外廷略無疑畏一言近正便以異論目之
斥逐摧沮力示來戒由是僅存以幸貴者率一時縉儒童駭之
流習侈養諛相謂得計一朝寇至則禽驚獸逸無復君父之念
幸未驚遽者亦輒內顧無食無兵闕然唱行營之議矣想見當
時事窮勢迫如值滔天之浪人力弗加惟思走避非有巍巍堂
堂具神禹之智者出而當之民其魚驚矣矣語功至是不在禹
下清議昭然無可慮者獨聞抗論之始頗面折諸老生虜知中
國有人或深畏其用事每一念至中夜數起切為天下危之願
雖陂量汪洋心事卓犖大任所屬神明扶持決非小人可諧可
害特為天下過計者未能釋然無慮也恭惟某人以孟子浩然
之氣運夷吾天下之才蚤踐華塗已隆偉望若據忠讜奮不顧
身去國累年泌蓄弘厚迨膺顯拜倚副具瞻屬賴指縱尚勦籌
帷所冀行智勇於功名之外立威信於兵食之先比君子雖和
而不同馭小人雖嚴而不惡前此見幾而作愛莫助之於是善

刀而藏維其時矣其猶介無狀雅荷眷私當公有爲恨身在外
今者誤蒙除召將遂承教門闕以寬疇昔之所慮也敢贊此以
先伏望鈞慈俯垂鑒念

上吳少宰書

李忠愍公

某竊謂公道不行久矣賢俊老於孤寒爵祿私於權貴雍容軒
陛者顧乳臭之未除翱翔臺館者冒丁字之不識假包苴以爲
進用之階僂官寺而無廉恥之節其如此輩穢我周行凡有識
知莫不嗟恨間有剛方純懿端亮恢達英特之士才堪世用德
符人望勢冷援薄影沈聲匿或廢於林泉或落於州縣或陷於
黨予或註於典刑或委於空閑冗散無用之地剪剔松筠珍產
蒿棘吁可歎哉比者犬羊犯順中外騷然國勢元敝皇威不揚
上皇憂之日召廷臣咨求至計往往杜口結舌流汗相顧惟閤
下首決大策援立聖明離位中天万物咸覩固足以慰生靈之
望挫夷狄之氣傳國家億萬世無疆之休矣天子慨然登閣下

於揆路蓋欲整頓朝綱收還威柄疏煩擾之令損苛刻之政斟酌祖宗休德以飽元元則夫近參猷納遠扞邊垂或觀風在一路或專對於四方以至臺省寺監之司郡縣之職尚多曠乏豈不以人才爲急某河朔之鄙人咀爵經史組織文章積有日矣彘然之始作尉北門抗塵走俗殆非夙志側聞皇家廣張科目鉤致豪英遂執舊業復試有司持衡者過謂斐文無近時顰蹙裴亦之氣擢實選首即蒙朝廷以儒館處之未幾以道經稟闕罪其初得之不以勢不以利不以親戚故舊其罷之也又不以罪待命半年未蒙收錄雙親垂白二兄三弟既有婦又有子矣血屬二百指朝夕嗷嗷曾不得一飽雖非前所謂松筠之比者其美業智慮豈全落衆人之後伏遇妖氛弭戢朝路光明公道復行人才輩出而貪庸險佞者鉏汰不暇素負卓犖之行忠鯁之稱者雖困躓埃塵謫伏煙瘴汲取涸用靡聞虛日此某所以撼頭自許不卜而前也惟觀閣下博采輿論俯照羈蹤無使一

夫有失所之嗟四海有不滿之望實寒士之幸

與史相書

蘭陵孫公

某去國四十年雖無門下平生之素而投老待盡之身已在相公包荒納汙之地矣共惟太上皇御極三紀一日斷自聖心追述堯舜禪讓於數千載之後新天子踐阼大丞相登庸感會千齡親逢一旦得時得位固已如聖制之所褒揚而縉紳秉筆之士道古今而譽盛德者亦已畢陳於前某輒薦一得之慮庶幾有補於萬分相公試垂意觀之某伏見靖康之變二聖播遷中原陷沒八葉皇族二百州生靈皆被其毒而御營司劫寨太亨生伏闕廟堂諸公拱手坐視共成此禍高官大職生榮死哀無一人以誤國得罪者於是好勝樂禍之人朋附益衆相師成風投杖斫掌踴躍用兵或欲折尺筆習其背或欲請長纓曳其頸或草檄書降罵或折辱其使者以快一時之憤顧不壯哉而激怒強敵耗散兵端誰當任其禍者夫強弱衆寡之勢如東面西面

三尺童子皆知之矣。度長挈大，惟有南北辭仇，可以紓君父宵
旰之憂。赤子肝腦塗地之害，又須人主屈已遣使尋盟，有司聚
財輸納賄賂，可以營廢田矣。當廣募耕種之夫，可以蒐銳卒矣。
當力選驍勇之士，教習器械，待其精儲峙金穀，待其富。皆國家
閒暇無事之所爲。一朝一夕之所能辦，而當政用事者多矣。次
選序進，無得君者一人，譽用之一人，毀去之泛泛然。如寄客視
吾身，且不自保安能拂衆人之情來易至之責，待未至之功也。
又自度它日之禍未必及之，故不若雷同和附寄之後人。今者
相公以潛藩之舊爲天子股肱心膂之臣，幸甚。譽之何所加？幸
甚。非之何以損？荷注之重，屹若巨石，不可搖動。某所謂寄之後
人者，相公當之矣。所以啓事所陳以爲分莫大之憂，非所以爲
寵也。昔項羽背義帝之約，王沛公於漢中，諸將皆怒，請戰獨前。
何曰？雖主漢中之惡，不猶愈於死乎？帝曰：何爲乃死也？何曰：今
兵不如百戰百敗不死，何爲帝於是憐然趨駕漢中？張良因勸

燒絕棧道示羽無西意當是時雖有蕭何之謀張良之智不能以弱爲強抗項羽亦明矣其後何薦韓信拜爲大將良請遣使連英布分地王彭越垓下之圍三將併力遂破楚有天下自今觀之迂蜀燒棧人見其趨然卷甲遠去以避其鋒而不知滅楚之計已定於此一隅之地矣知彼知己善始善終謀國者固如是乎某老且死尚譊譊獻其愚者它日戎馬在郊大將忽有乘輿視師之請則言之無及矣下冒威嚴汗流至踵

與范丞相書

同前

某去年承乏平江側聆相公召歸中司候伺造朝馳書贊喜免何觸罪罷去携孥累窺伏三吳大澤中不敢復以姓名通於執事大人之門亂定親舊移書訪問生死傳聞相公進位大丞相不覺欣然拊髀而起退而裁書誦所聞庶幾區區千一之庸書成復毀至于再四卒不獲已願效其愚其竊觀崇寧以來士大夫徇名失實皆煇然不適於用其派至於靖康建炎極矣故今

日之乱且置元豐元祐勿論宜慶時之所宜爲者急起而趨之
如拯焚救溺不然龜常祖故以乱救乱天下紛紛何時而定也
四夷侵暴群盜相挺而起所宜尊寵戰士以效命致忠而賈讓
輩以言章擯斥於清流之外激怒英雄蹈白馬之覆轍時危久
故賢者避世所宜激賞忠義共立於王朝而詹又以恬退蒙恩
獎進學士以固士大夫全身遠害之謀財計之臣端端然恐以
乏軍興得罪而王琮以不鑊通監畫板罷運使何其緩而不切
也防江置使防閩又置使州帶鈴鐸又兼安撫平江又兼制置
常州小都安撫司使臣至有百余輩官乱民貧恥宣和爲甚而
改天長江陰爲軍尤爲無理兩州既失兩縣租稅之入兩縣又
紛然建立官吏召募使令拊聚祿廩拘置公使獨任一州供億
之責謀求自出民不堪命此何爲也某去秋寄家湖上居蘇常
兩郡之間外調防江之夫內嚴防城之具盡錄公私材木以爲
戰艦毀撤廬舍以廣募軍斬伐丘墓以荆樓櫓掘地陷馬編木

爲大校率米爲糧歛錢犒軍掎取繕帛爲袍襖之屬凡戰守之
備脩舉士遺而民力亦盡夫盜入境將吏望風委之而去凡前
二守之勤勞兩縣之備禦第以上應詔旨下以疑誤邦人故吳
人之死者十九夫京師太原天下之金城湯池也尚不能守胡
不明示邦人徙避之計以全其肝腦而在官者又恐以無所爲
而得咎故寧大壞至此也虜騎入蘇常不滿二十日而虜方郭
吉劉遠張威武之流皆防江大兵塗炭一路積七八月而後是防
江本以備虜也虜欲至則潰散而爲盜虜已去又招安爲兵既
往之敗可以爲鑒而劉先世防江之師又至矣淫名王實其禍
至此可不悲哉恭惟某官盛德偉望尊顯三朝他日大廷黜上
之言諫垣論刺宰相之疏天下傳誦以爲口實今以天下宰居
其位行其言必有以大慰斯民之望然今徇名之大患有二二
患未去則四夷倡狂群盜推剽社稷危亡之憂生民塗炭之禍
未易以歲月定也靖康之初大臣樹黨奔抱實爵並用泥土而

妄言無行之徒上書圖進取者所在如市狂誕不根往往報聞則誑誑君父謗罵大臣以逞其不肖之心與訛造訛更唱迭和鼓惑群小激怒羣士馴致錢塘伏闕之變以苗劉伏其誅而人猶以爲寃皆此輩爲之一患也建炎以來宰相第行臺諫風旨今日行某人言而罷之明日用某人言而黜之凡所施置曾不得一舉手俄而邊遽上聞則又以罔功之罪攻而出之矣是其言果出於正邪此賣直釣名於一時而陰欲進其所厚善者尔二患也去此二患必以飾非排諫負天下之謗二患未除則群言亂正必致誤朝之謹然則奈何羸秦之亡也劉項相距於滎陽京索之間天下之士不歸漢則歸楚高帝納用群策雖麾下騎士亦時時問邑中賢豪至於駕馭群臣則踞床洗足溺冠騎項所謂盛服先王諫諍之臣亦嫚侮而不信何者謀議之臣內有良平腹心之臣將帥之臣外有信越爪牙之用一身之勢合而無間或借箸於食前或排闥於卧內附耳而談躡足而語如

疾痛可達切於肌膚手足不期而自至故能廢秦誅楚以成帝
王之勲彼其伏青蒲冠解冑譟譟然陳說詩書上章謹譁以應
故事固國帝之所大罵而不信也今朝廷得一韓信以爲將帥
言者必曰寄食漂母無資身之策受辱胯下無兼人之勇今拜
爲大將而一軍皆驚則必黜之矣又得一陳平以爲謀臣言者
必曰事魏不容事楚亡去受金盜嫂反覆亂臣今拜爲護軍而
諸將盡謹則必黜之矣陳平韓信之賢沒世不可得幸而得之
不爲用用諸生則不能聞而尾生孝已之行又亡益於存亡成
敗之幾依違固避以苟歲月主上一旦赫然貴宰相以扶顛持
危之效而公車北闕之章白簡皇囊之封又隨而至矣爲相公
計當以身任天下之謗訕革去淫名文具之害政深究天下治
亂之實今日用某人明日行某事造膝開陳勿疑勿貳如勾踐
之信種彘齊侯之信管仲凡迂闊難行之論謬悠無稽之談不
得一言入於其間庶幾有立於天下而大慰民望不然去就自

義不可見止無自辱焉某更有泐於此者而不敢言也

上時相書

定庵居士

月日具位陳公輔謹裁書拜獻于相公閣下公輔叨聞天下無事好更易者謂之擾民非安民也天下多事樂因循者謂之昧亦非識變也今國家強敵侵邊中外凶凶不可謂無事豈宜樂因循哉執事以非常之才立非常之事任周無過也天下延頸舉首日望惟新之政而數日寂然不聞亦恐已有定謀但遲遲未發然以勢觀之以不可緩試爲執事言之夫治天下之具不過二者曰人與法而已法足以治人足以用則天下不復有危亂之憂今日之事至此必以法有弊而不足治人多故而不足用豈不思所以更易之耶茶鹽賦役征求百出爵賞紊亂紀綱廢壞皆非祖宗之意法之弊者未易一二數今縱未能盡取而更之且當下今議因革損益之所且以慰天下之望至於人之懷憂蔽惑一人聰明而督公營私偷合苟容歟怨於民爲誤

國之大者亦未可一二數此豈可不盡其罪而斥逐之哉伏望
執事奮然有爲以身任天下安危日与今天子審擇明辨斷而
行之爲定宗廟社稷之大計毋或拘於小節暗於大經慮違道
君皇帝之情也况道君皇帝剛明勇決古人不及感悟前日之
事已下明詔痛自克責所謂聖人之過如日月之食人皆見之
及其更也人皆仰之若天子以今日之事所當責成替重而行
之無不從者是乃所以爲帝王之大孝也如或執事未欲獨裁
此議更當与同心協德之人謀之不然擇士大夫中有端直鯁
亮能言天下事者置諸臺諫使天子日聞嘉謀讜論法之有弊
革而新之人之多效鋤而去之如此人心無不悅士氣無不振
內外一心遠近同力因以講守戰之備則豈不可以勝夷狄哉
然後擇一能專對之士以弼福利害感動之彼知吾中國法既
足治人既足用其勢必不可侵侮豈得不聽從哉以是講和可
談笑而定矣人皆知夷狄爲可畏以公輔之所見似不足畏將

在圖之於早而已古語有言當斷不斷反受其亂惟執事深擇之公輔拜拜

上宰相書

陵陽先生

某幼而喜爲文至今二十年矣於文無所不觀始誦其言中探其義卒明其道其言則自簡編以來凡可以使人駭心動目者皆是也其義則李士大夫類能言之矣故健而不論而獨論其道焉夫文何以爲者也聖人所以採深索隱而化天下者也是故神而明之者君也輔而翼之者相也鋪而陳之者卿大夫也而士不預焉夏商以前其文逸矣然見於後世者非寥寥堯舜禹湯之所爲則臯陶益稷伊傅之所作也當是時不間有卿大夫以文顯於世而沉於士乎彼非有所不能也文事興於上則在下者無事於此也今夫易之卦爻則是聖人所以開物成務者也詩之風諭則是聖人所以移風美教者也書之訓誓則是聖人所以敷號敷命而春秋之紀事則是聖人所以勸善懲惡

者也此數者皆聖人所操持以爲化天下之具則士安得預其間哉周衰開物成務之道不行於上而後孔子家而象之勸善懲惡之道不行於上而後孔子筆則筆削則削以至移風美教之道不行而後三百五篇定焉設學敷命之道不行而後百篇叙焉凡孔子之所條皆上述堯舜禹湯而下述益稷伊傳以示後世而已非有意乎自爲文也後之學者不求其道而求其義不求其義而求其言求其言者斯爲下矣而尚有不能盡則其於道豈万分之一乎嗚呼自六經而後文辭何其多變也其源皆出於六經而浸失其辭是故季象象者其流則爲論爲義季筆削者其流則爲傳爲記季三百五篇者其流則爲箴銘賦贊季百篇者其流則爲表譜疏檄又於其間增之以浮夸雜之以靡麗則文之用於下者多而施於上者寡矣故後世工文者率皆布衣窮居之士而時君國相以是爲虛飾凡先王所以化天下之具至是而爲一小技尔豈不深可惜哉宋以文德爲治今

上著文益高赫赫昭昭已高出五帝三王之右矣又選於衆而用相公伏惟相公以大儒經世之文當元宰秉鈞之任以昌言則益稷以謨謏則皋陶以對揚則傳說其設之於政事則又兼前代之軌模循遠方之瞻聽蓋道之不行千有餘歲矣於此時而吾君神明於上吾相輔翼之於下則是万世之一時也以今準古士雖無預於文然上既責學者以古聖人之道而士因於餘習其文不能近六經至有漢晉之弊有志之士咸知患此而獨未有推言之者其不佞以爲當万世之一時而不言則古道當何時而興耶方今去夫子已千歲而去夏商則又遠矣如欲恢復古道必將自其言始使立言者其辭相近六經則於道或得其一二下焉不為漢晉之文上焉有以助吾君吾相化天下之道其非小補也故竄著書八篇粗論其事既以上登聞矣又以其副獻諸相公竊觀自漢而下雖世所謂賢相特以簿書期會爲急未有如此者也惟先正王文公數爲神考言之則某今

日所望於相公者豈淺淺而已哉某一介之鄙儒叔藝元以瘡
人前歲上書詔得附議是時相公位在黃門事之本末所具見
也聞之道路獨竄原借一言之重然而命窮力薄旋觸聞罷今
二年矣而猶茫茫未得入仕之路誠見有道之世然臺之才皆
得收用故未分深潛遠引而復爲今日之幸則今日所望於相
公者又非前日無意於人材者之所爲也昔王文公之爲相也
諸生有徐禧者著書數十篇言時事文公取以聞上而官於朝
蓋古之人以道自任者必旁求山林之士以爲用是以彙傑交
歸之而功業著於天下今某樸暗固不足以言世務然其說不
爲燕補而相公方率循文公輔翼神考之道以佐聖主其也不
佞願以其不肖之軀爲山林之士先焉惟相公取入篇之書而
省覽之即可觀采亦以言上不勝幸甚

再上宰相書

同前

其間二代而上取相於學校二代而下取相於山林昔聖人之

興學大爲之綱小爲之紀豈故樂爲是紛紛哉以爲非獨吾百
執事咸出乎此故斷其本以俟其實而增其膏以發其光方其
弦歌鼓篴居乎辟水之上則已有公輔之器矣及其我冠曳帶
立乎本朝則又有公輔之望矣一朝舉而熙帝之載其名高故
天下服之無異詞其德成故天下從之無解駭考三代之盛時
后惟時又相亦有終道同俗一蓋其所以致之非一旦暮之力
後世庠序廢於天下士未嘗有素養也一旦取諸山林之中置
諸左右彼其素所蓄積無以服天下士大夫又况二三其德尚
奚責其尊上帝之心哉昔人論興學者鮮克知聖人之用心在
是也惟我神考灼觀古初始闢亭舍始約貢法爰有希世之人
爲時而出方其實我先輝在神考時論士於孝則首得相公焉
及其名高德成在今上時取相於孝則首得相公焉蓋自神考
長育成就異得元儒以遺今上至今日斯之矣噫去三代千餘
年而復有三代之孝士安得不蹀足踵足以頌其事哉此其所

以不自薄陋亦得以引綫而長言也伏惟相公邇且之德召奭
有不能知孔氏之言卜偃有不能聞天下之士烏能窺五分一
惟其直道是履謀上合乎吾君嘉猷是告澤下加乎吾民於是
位爲洪化職爲秉鈞其擴素業以增九廟之固以恢萬世之功
自今始矣當軸未逾月也執贄而見者无慮數百人已仕者慶
於朝未仕者慶於野知古風之復振也某區區鄙儒技藝無取
等一登內閣遽被斥去歲華五閱尚困無津通親殊休竊目憤
勇思一吐其胸中之所欲云是故詣大丞相而忘其賤見大君
子而忘其愚伏惟修仁作綆以汲其躬立義爲梯以階其進雖
極愚至陋敢忘圖報哉輒冒威重不勝戰汗

再上宰相書

同前

甚聞世治則縵文之士聚於朝道否則縵文之士散於野聚於
朝則爲曲爲誥爲雅爲頌其文施於當年散於野則爲歌爲詠
爲風爲騷其文傳於後世施於當年則爲國華傳於後世則自

取名而已此明君所以側席忠臣所以旁求也又不但如此也自古燕人雖有害治之氣而無飾非之辯則亦安能誘一世而從之惟言足以載其僞而辯足以行其言如持錦繡覆諸陷穽之上人知錦繡之悅目而不知陷穽之隕身也則從之者衆矣此言之所不能諭威之所不能禁也聖人在上治具既設盡取文士而黼黻之如持錦繡表乎九軌之道則人之從之也孰禦焉當是時也異端邪說雖欲遽起譬如蛙蚓欲鳴而疾雷方震則聲銷跡絕不待屏去故文明盛於上則茲言熄於下此聖人之祕術所以陰弭天下之巧言也由元豐以來治具既美矣往者異端邪說棄閭而出其源不在乎他在乎未有以勝之也其少而學爲文聊以自娛年大以來始知文之功烈參於治弊小入得之則足以掩正道君子得之則足以銷茲言蓋非特爲書生事業而已異時書莫生或知此使世之人目爲小技豈不深可惜哉伏惟相公格天之功贊元之烈赫赫如此其愚無知以

所聞於六經考所見於當世未知三代之盛視今日何如尔若
經天緯地開物成務致文之實而辨儀制器正名審音致文之
用蒐英獵俊聚成極文之世向之異端邪說已盡屏去後之異
端邪說某知其不復乘間而出矣可謂姬旦之後得聖人弭茲
言之術者一人而已然則一夫不獲阿衡之所憂一士不聚相
公之所念也某泮忍下材不足以辱下士頃歲爲書推本文事
以獻左右身賤耳疎不蒙昭察今年游梁會有薦其文者故敢
飾說而干三公嘗竊論之魯連之擢過於長戟勁弓陸贄之詔
賈於元勳宿將文之不可已也如是裴晉公不喜於平淮而喜
於韓愈之碑李衛公不喜於平潞而喜於封敖之制非功之難
能明其功之爲難也竊惟朝多文士必有辨其事者然欲聚而
不遺則如某輩願趨下風雖無足用於茲明正道以碎莠言勉
盡志慮豈無補万分哉幸少加拂拭焉庶令盛世獨爲林下水
濱之文以自娛意而已意疎言拙罪不容誅不勝惶懼之至

上韓相昉辭換官書

洪忠宣公

事親孝故忠可移於君求忠臣必於孝子之門而以孝治天下者不絕人之親也徐庶從蜀先主母爲曹孟德所獲以方寸亂而遂辭孔明相善亦不止烏震歸唐莊宗母爲張文禮所執雖手鼻斷而不顧永叔以爲大不孝天下豈有無母之人哉賴公封人職之至卑者也猶愛母而舍肉翳桑餓人士之至困者也猶念母而舍食烏有返哺之慈譙子作訓以稱其孝梟有返噬之逆漢帝作羹欲絕其類伏惟執事少賜詳察度其心而處其焉重念其踰越險阻万里尋盟備嘗艱難一終聽命既更成而不結遂懷怒以相侵使在其間禮不當執從車駕省方而至遇雷雨作解而蘇矜其困窮俾之換授德雖至厚然日月不照覆盆情固可哀彼禽獸猶知有母恐負終堂之痛長懷陟屺之思憂極腸面泣盡目腫於親有害在義當辭湛恩雖等於丘山丹懇敢控于廊廟願推惻隱藉報劬勞終養有違已愧烏之不若

負饗食不顧茲比果以何殊儻辱台慈特垂錫類則百歲老母不
虞被戮之冤而一介行人得伸來諭之告爲視而屈何憚乞憐
惟命之從豈敢逃死

上宰相書

縉雲先生

某聞窮困則呼天疾痛則呼父母此古今之常談在某之身最
爲切至何也某曩嘗一至闕下殆今蓋十有一年當時自丹稜
令而得萬州超資躋等溢其意望固已荷大丞相拔擢之恩
矣到官視事頗自竭其介介之節期無愧真相司者不之察也
直則以爲抗誠則以爲妄貨緣猜嫌輔以譴問遂蒙重劾去兵
不滿數寸無以給使令而劾以跋扈承安撫司行移閱保甲地
而劾以募兵趙諗泰州人某資人也偶與同州方諗爲逆時某
固未受生甚者劾以爲找諗遺類鴛虛鑿空無所根據然其設
意必欲盡其族類乃已當是時毒烟熾烈天日在遠家族性命
把握於倖怒者之手第未即碎之也雖有天地何能覆載雖有

父子何能生育惟 大丞相端坐朝堂洞視萬里事情真安如
在目前一日開狂狂而出之然後家族再保性命更生然則謂
大丞相之於某覆載之德踰於天地生育之恩過於父母者孰
不以爲信然耶自是以來蓋又十年矣屯邙狼狽再丁家難由
是不能一造朝廷嚙指雪涕仰謝大恩然其中之所存豈不憫
然知所歸嚮哉今者困頓所迫猶敢冒其簡慢之罪私有所請
某家本窮空方幸得祿仕時僅糊其口失祿以來重以患難丐
貸閭里以活朝夕及其父也朋友殆至踈弃親戚尋亦厭倦教
教待哺二百餘指憫然無所圖矣窮困則呼天疾痛則呼父母
今日之急捨 大丞相其尚誰告哉切見某官闕員已久某復
歷州縣二十餘年更事既多因曉文法若蒙陶鑄此闕則今日
拜命明日得祿拯其飢寒無便於此設此闕已有所授止得宮
祠粗沾微廩亦足以助其旦暮之急使因此濟贍得不遂填溝
壑尚頃叩首鈞堦之下而致其懇然後退伏田畝死無所恨易

言十年乃字十年不克蓋言其父也其蹤跡踳躐殆將十年
不爲不久大丞相前日既已推內省返魂之恩矣至於振其
乏絕俾遂視息於世蓋若終始一事惟其鈞慈曲賜矜憫情迫
意切冒瀆尊崇無任戰灼恐懼至不宣

初見秦丞相書

金華先生

天下之事無不可爲而爲之有成者所什一其無成者每八九
非暗而不能見幾者失之則畏而不能從事者敗之蓋事有始
若害而終利者近若可疑而久乃信者是以蘊獨見之明必有
負俗之累故一子產耳而國人好惡爲之三變然君子當此不
恤也君子之不恤者願豈直情而徑行者哉妙用關於無形而
至理寓於莫測及其効驗而意自則天下欲歸之以智名而智
名不足盡也欲歸之以勇功而勇功不足進也如泰山澤物而
莫覩其運動如化工生物而莫察其刻雕常爲其所不可不爲
而常止其所不可不止吾無私心焉此經濟之極摯也其不佞

譁此孰矣張子房之於漢高蓋天授也相與圖回大業固已先
定於草萊未待極明而後決也是則謀宜審而必可久也乃或
旣罷而旋封方和而遽戰觀其借箸爰色以詆六國之立非不
切矣未幾而旋封韓王遣使畫疆以從鴻溝之約非不堅矣而
遂戰垓下何苦爲是紛紛哉傳曰能定然後能應夫天下豈有
一定之事耶子房其素定者在於必勝而其泛應者將以適變
也蓋肯膠柱記劍反爲事之所囿乎孔子固惡小人之果者矣
蓋能定者乃可爲權而可爲權者乃能酬酢乃有而無遺策然
權者難言也惟知周公之曲而當而孔子之無可無不可而後
可議權矣恭惟相公見幾似顏子任重似伊尹破天下難破之
論而去天下難去之患優游談笑善刀而藏莫見有爲之迹自
古未有當今日之多故而政出中和厭難鑑異如相公歟且裕
者也是無他自處既素定而應變能達權故也昔魯之禍莫烈
於陪臣而孔子一用而隳名城出威甲竭蹙蹙而不敢迂唐之禍

莫烈於齊鎮而裴度一起則承宗斂手削地韓洪興發討賊震
懾而不敢後其故曰天下之事無不可爲然而非相公則未易
辦也其蜀士新從万里來念天下一家而宰相固用天下者也
士蓋無嫌於求宰相而宰相亦無嫌於收士特在於量材器使
之耳况其嘗汚陶鈞載恩紀者哉輒飾固陋之說以爲賓贊之
藉寬而不誅幸甚

上趙丞相元鎮書

同前

某再拜上書僕射相公執事謂今天下之勢爲可爲而醜虜方
至於鴟張謂今天下之勢爲不可爲而生民當遂於魚爛如此
則聖賢經濟之理無所施而社稷安危之寄無所任矣一切拱
手畏縮相與俱靡豈不諄哉意者殫智極慮亦將有說乎某不
佞請謁事情昔曹操據中原形勝之地而卒不能建平蕩之功
劉備以一荊州而遂成進取之計自劔而南還爲漢民王道據
全吳盛大之區而卒不能建恢復之業祖逖以一豫州而遂成

進取之計自河以南還為晉土頃有可為之勢如操與道玄而終以無成無可為之勢如備與泌而乃克有濟蓋無它成敗在吾人而不在天下故也彼勢之有可為有不可為者皆吾人有以致之亦醜虜非素能驍張也而吾人實使之生民非遽至魚爛也而吾人實速之嗚呼自兵禍作十年于茲和戰二者如之何猶未有定論也大臣以此而迭為進退小臣以此而同為用捨天下日益急將安所稅駕乎晉厲鄆陵之役群卿為之盡力士變獨不欲孫權赤壁之役辛朝為之爭屈而周瑜獨不欲和是則才不足以制勝於未戰之先而謀不足以排難於未和之表徒馳騁於重為之末禍福殆亦未有所分也某竊深傷心矣事不可以一轍求而情不可以一軌得戰未必為是和而未必為非要不可令敵執其權而反以制我欲戰而戰欲和而和通行無累然石國五之國也否則我欲和而敵方來渝平敵欲戰而我已疲再命其猶能國乎故鴻溝之和無益於垓下之亡以

權在漢也成臯之戰不免於汜水之禍以權去楚也其念此熟
矣莫若急白治以收廟勝之權權苟在我戰則爲光武和則爲
勾踐何苦至是哉哉嘗觀陳平摧呂安劉而智不形霍光擁
昭立宣而識不遠何者患去而國不知功成而身不病尤有愧
於平矣是故善用智者如盤中走珠旋轉曲折無不隨意不善
者如泥中鬬獸陷藉狼籍臭勝性負非相公其誰一洗吾人之
羞耶無裨蔡謨之論復中於今日而續朝之謀重惜於後世乃
從來望相公意也日中必彗操刀必割相公幸無忽

新刊 國朝一百家文賢文粹卷第八十五

書

上宰相書

代人上秦相書

墨齋先生

某不肖蓋嘗友復乎詩書之際以觀天下之變然後知閣下其
用不窮而為力之難也今天地之運熙然者吾知其為春燦
然者吾知其為夏蕭然者吾知其為秋斂然者吾知其為冬來
莫知其所從去莫知其所終動者指者由之以生死出入而莫
見其朕此非天地之所以妙万物者歟往者變亂之興譬如震
雷急雨之驟至勢將傾四溟而覆之閣下雍容其間若無所用
其力一旦雷止雨霽八表清明天下朝尼於亂夕安於內而不
知為之是蓋与天為徒者也尚矣天下易治而難安也今日靖
之今日安之古古今今有如閣下者乎周書凡三十二篇其十
篇為周人作武王一戎衣而天下定而所以安夫商人者蓋更

周公畢公君陳三人之力三世之久用力多而就功遲如此退
視武王之定天下何其易易致及周之衰天下猶未去周也而
商人之風已盡變今邶鄘衛之詩是也邶詩十九篇鄘詩十篇
衛詩十篇大抵多譏刺淫亂而作列國之變風未有如衛之亂
者孔子定為變風之首蓋無然傷之矣以為卒亂周之天下欲
受之余俗也且以三君子之力曼曼乎安之難未久而復變今
閭下有二君子之勞而不淹於三世之久薄海內外洞洞屬屬
與政俱化有周人之安而無邶鄘衛難擾易遷之慮於戲盛哉
閭下之為力也往者罷兵不用自東自西自南自北咸遂其生
當此時天下微見閭下之仁以曹丞相參歸我母后輔我天子
克致其孝當此時天下微見閭下之心以李丞相泌顯尚仁義
漸摩矯拂式隆大化當此時天下微見閭下之孝似魏丞相澄
堅執大誼斷而行之弗撓弗屈當此時天下微見閭下之略似
裴丞相度盡反威重摠之朝廷使出于一當此時天下微見閭

下之權似季丞相德裕夫惟有所不可窮也而後用其不窮既已不可窮矣將取其似而言之是以莫得而端倪然則閣下固与天爲徒者也其大馬齒老矣不自意身及太平時爲賤吏親与三代之英旦暮遇於數千載下彼見其似而已其又以其似者言焉知誦詠閣下盛德休功而不能自已也伏惟財幸不宣

上呂丞相書

漢濱先生

某聞古之豪傑之士建大功定大業者往往其人出於勞苦煩辱之中其思慮之所服習筋力之所嘗試皆難能難堪之事故一旦得志於天下則其所立有絕人者昔后稷之播種伊尹之耕稼傳說之版築呂望之漁釣其事至陋而聖賢安之不耻周公文王之子生長於富貴宜若不屑世務然七月所陳無逸所戒莫非稼穡艱難之語聖人豈爲汲汲不自暇逸者哉以謂服天下之勞故可以處天下之逸安天下之辱故可以重天下之榮也後世事不務實競爲浮誕以收無用之空名平居優游言

論風旨以傾耀天下及丁亥故則茫然不知所為魏晉之際此風尤甚士大夫有盛名顯位者皆号為風流之士以清談而取世資已而夷狄駭乎疆場英雄發於朝廷盜賊起于山林則向所謂風流之士者皆顛沛失據身死族滅而國隨之如司馬懿劉淵石勒之徒一世巨猾其強悍堅忍之性固已備嘗險阻周知情偽而何平叔王夷甫之流欲談笑而當其衝是猶操閨曲房窈窕女子抗雄暴之侵陵豈不殆哉本朝太平既久士風凋弊浸浸有魏晉之風是以國家不日引不月長陵夷而為靖康之禍此有志之士所以嘆惜痛恨於前日也恭惟閣下英姿傑出獨立一世不為風俗所移方天下以浮虛相尚侈靡相尚之時獨儉素是守勤勞是務有識之士固曰天下無事則已天下而有大事則排難而解紛者必公也及其功有社稷位冠群后於人曰無二矣且可以安處於富貴然於天下勞苦煩辱之事猶身親之孜孜焉勉勉焉若有督責而程課之者以是知

閣下動烈魏誠非偶然其康濟之安經綸之術皆其平昔之所安行而天資之所固有非矯揉激而爲之者也此所以出入將相蔚爲宗臣而豐功茂績無愧於伊周者歟其襄鄴之鄙人自幼讀書好考古昔之所以興衰成敗之迹常恠魏晉間賢人君子相望於朝而不免於滅亡及讀孟子見所謂天降大任必先勞苦之說然後知魏晉諸子之所以敗其後身更近世之事而目覩靖康之禍則益信孟子之知言而遐想伊周數公於數千百歲之上恨不得執鞭其時也今者伏遇閣下暫解機務均免祠官實來是邦而某之賤事在焉欲掃舍人之門有日矣自惟疎賤屢進屢卻既而歎曰伊周數公冢中朽骨願遐想於數千百歲之上而近不一登相公之門是何異夫捨吾之肉而嗜素人之炙者哉於是自忘其僭易之罪踴躍然而來庶幾一造堦墀望折衝之安聽綜練之語以激懦衰而快宿志焉若其兄辭於閣人得拒於典謁則命也伏惟進退之幸甚

某聞唐虞之道孔孟之孝臯最微稷契之事業初非二物也治
金錫以為器用息羊豕以為膳羞本末雖殊其實一也書稱
堯舜禹臯陶之為人皆曰稽古伊尹樂道畎畝起而相湯格于
皇天後世不知道為何物不知孝為何事稽古之列格天之勳
判為一塗其間亦有豪傑之士因時乘變能成就其功名者然
考之聖賢之事業終无黼黻宮商之序易曰一陰一陽之謂道
推而至於富有之大業日新之盛德又曰形而上者謂之道形
而下者謂之器繼之以化而裁之之變推而行之之通至而措
之之事業陰陽者物所由生形器者事所從出道兼陰陽形
器則凡天下之事物幽明巨細動靜出入變化六為万殊不齊
孰有能久此者濬其源而派自清挈其本而末自辛矣故業
而富有德盛而日新變通至於不窮而事業著乎天下此聖
人經綸之極致非浮虛无用之空言也乾之九二以利見之資

處人目之至盛德博而化天下文明孔子翼之曰季以聚之問
以辯之聚者聚此者也辯者辯此者也傳說之誨魯宗亦曰皇
人求多聞時惟建事季子古訓乃有獲允懷于茲道積于厥躬
由是言之經世者必以道致道者必由學所得有淺深則所發
大小顯其淵源爲如何爾恭惟某官道爲王佐季爲帝師所以
治其心養其性齊家正國者粹然一出於六經著而爲德則剛
健篤實極乎輝光之盛發而爲文則純正簡古合乎典謨之言
曾參之忠恕孟軻之剛大子思之中庸貫爲一條誠明而自待
雖功蓋一世貴窮人爵於書无所不通於理無所不闕而機政
之外猶皇皇焉如不及其然始典于季自周公以來未見其比
也故能智先老聃節貴金石信行蠻貊勇過賁育赴危難而不
憚歷困厄而不挫臨機會而不疑入紛紛而不亂享天下之富
貴而不淫極天下之功名而不驕始焉以天下非之漠然如死
聞於耳少焉以爲天下譽之晏然若無繫於心此无他有道於

此足以制事物於冥冥之中而不為事物之所制焉故也然則天下之事業有盡而太師之孝術無窮其功德之已陳於天下者特因事而應之者且事之未來應之未出者天下應足而知之譬之泰山出雲又見其氤氲變化合散无端不崇朝而徧雨天下以為至矣而不知精華亭毒之氣蓄於中而未出者多於見乎其外者也某襲漢之鄙人勿志於孝行年四十未聞大道何足以仰窺盛德之力一抑聞達巷黨人以里巷之流一見仲尼喟然嘆曰大哉孔子傳孝而無所成名著于論語天下至今誦之某雖不肖託于鈞播有年於此矣歲在戊午初禾科第兩蒙辟乃獲顧盼於稠人之中今茲改官又承直院侍郎猥賜收錄比之孔門雖不足比高第齒至自附于達巷之黨人則其稱夫子之大不為過矣雖然董仲舒以達巷黨人為不孝而自知蓋其資質之美有絕人者使留而授業於門則其於高第亦庶幾矣惜乎不知出此一言之外後世不傳焉若某者資質不

及而好學之心自謂過之誠得朝夕門牆之下益聞見其所未
嘗則他日所得於太師之道必又有深於此者不止於一言而
已也不識太師果能收之否乎小子不敢自幸謹獻所為文一
編辱賜覽觀或有可采冒瀆鈞嚴戰慄無地

上秦丞相書

觀堂老人

恭惟靖康之變公卿俯首心憤憤氣壓不吐誰能懷臂大義
以存趙自任天下於此服相公之忠及與魯會又勦不屈垂視
首領義弗受汙嗚呼挺特自繫于然而歸天下於此服相公之
節越自交鋒士耗財殫本根不固安用脩枝陞前一語四海息
肩天下於此服相公之仁和議之初朕北莫見越自疑丞邦伯
服事御士媚者蠹功昧者蠹機屹然中流為國砥柱不搖不動
訖用有成天下於此服相公之勇嗚呼嘻吁人孰無父輜車其
涯人孰無母駟馭其野雖有天下忍負此責姚虞劉季孰為是
非孟襲之陋千載莫滌有能還之出自艱難父子子母盡哀盡

欣天下於此服相公之功不有所定可鼓其端不有所守可保其終自我唱之我又成之如印印泥毫釐不差天下於此服相公之明往時未靖風塵繹駢戰士綴胡得以自豪拔劍視柱約京不聽浸淫成風蓋整可虞折簡呼來付之司敗鯨鯢已誅幻謀破碎天下於此服相公之武季校幾廢草萊成宮俎豆鍾莞慘沮失色人用懷忭士用鄙陋太平以來曠典隆儀次第脩奉化其梟鵩復為鸞鳳剏彼荆棘種之豫章天下於此服相公之文壯時增攘偷用一切執守冒濫求必有司上功失實超迂無藝補失版授寒熱在手名器不重朝廷不尊今也不然削去倖僞與為實真得之以榮失不為冤天下於此服相公之法是七八者豈惟近代十不二三蓋自伊周以降固能左右號備金者是以天下不惜氣力鼓為誦吟被之朝野以為無始以來未有是盛望之何人竊去不然又有盛者此皆不與若作是語不有證據並可截舌恭惟魏巍堂堂聖王先民密相傳授私相畀付

天地或聞鬼神不知堯不詔子禹莫獻父孔子經之孟子緯之
是謂心印以此正身以此格物乾用是闢坤用是闔風雨以時
日月以明江河以流山岳以寧金石以振草木以生故曰不怒
而威不言而信不思而得不力而行其名曰道字之曰誠与造
物及作又足玄鑒之金丹一粒成道騰外变化了不自知腐天
乳兒觀者怖愕無有辨諒可以繹尋是相公所以經綸事業光
明碩大不自為奇者歟相公之盛庶幾在此子貢曰夫子文章
可得而聞性与天道欲聞不可又曰以予觀於夫子賢於堯舜
堯舜功德如此而夫子賢之子貢豈誕者哉蓋必有以見之堅
之得以是妄論相公功德術業闕修如是其必有以出之者矣
雖然不聞孔子之妙而能言之賜禾過矣何則彼嘗從事於此
始知其難而其不知以為苟然至是者亦有間矣意者相公於
此或可少察堅之之心列之門牆所不敢覲被之重務尚足沾
濡恭惟以道養民匹夫被澤無有大小畢冒教育望之竊用自

怨謹以頂踵歸投門下嗟乎日月逾邁便成一世頭顱至此忍
論夙心辛苦爲之亦可墜慈機務之暇意面念慮一及於此亦
惟其命亦惟其幸望之觀焉

上沈丞相書

同前

望之不佞年十四受方爲文三十有一始以名上吏部被命官
四十一得食山中坐四年不敢怨亦不敢悶凡曰進退可否之
量禍福榮辱之機未嘗不講亦不求爲空言此其所以不敢怨
不敢悶也國門雖遠有足可至環蜀以山自守而不期出相公
之明如燭不待極言其故而知矣去年春聞天子詔用大目初
視除目坐中人相喧爭微見字傍從水者已喜掣取諦觀爛然
相公之名字即走入舍告妻子趣辦裝吾且朝上國矣於是持
十五口來行七千里風餐霜宿易車易舟及于再三而後能至
亦不敢諱勞非以相公之故耶凡人之情旣極斯復故歎者之
極斯又喜焉（極斯憂五行勝因固然亦有用智相救以至於此

也望之未能不保其喜故不能不憂日夜思有以愛相公而及其身者未得宿黃池夜大雪小兒誦詩至卷耳之章拊手大笑曰有以獻吾公矣因傳之曰采采卷耳不盈頃箱者志不在事則雖易得之物屢采而不能盈也嗟我懷人寘彼周行者所以興也謂懷義而不能得猶是物也周行者寘人於行列使之周徧也是時周非無賢人惟欲其周且徧是以憂也陟彼崔嵬我馬虺隤我姑酌彼金罍維以不永懷者致其憂之深也爲國者之必有事也猶行道之必有險也卒然陟山而馬病無以繼之也其勢必至於錯愕而無所爲是以且酌其酒而不能憂也此世之臨事者之趣也駸駸而不已至於僕且病亦末如之何故曰我僕痛夫又何吁矣此其所以可憂也文王之時寧有是事而且憂之此二南之盛夫子所以尚之至也其在大雅文王之章曰濟濟多士文王以寧然則士苟不多文王其不寧矣蓋論之二詩者周道之始終卷耳之詩周之所以興文王之詩周

之所以成望之得見相公平治之興矣復願見其成是以有進
於說豈說如此若曰是相公之所厭飲何以復進爲然則禮之有
饗食豈以其無食而爲之蓋人之相与捨是無以見其懇勤也
相公殆無曰常談去者竊謂今日之治勢實在於此相公或容
而聽納之天下幸甚非持望之之有幸也

上万俟丞相書

同前

自皇帝分國事以聽相公沈公天下孝士如春雷震發百虫皆
作耳目蘇醒奮迅羽毛整拂鱗鬣超赴區域昭宣事功望之最
爲冠焉持節側志先力弱其來也後苟又不以古之人士嚴其長
上者自勉而腹心出話言一竭驚鄙以匡相公之下風是將何
以自獻上副相公夙夜忠勤皇帝之心哉万里而來臧箴一言
敢用卒吐恭惟寬而聽之幸甚幸甚望之竊思天下事惟其誠
無所不可言無所不可爲苟惟不然委曲用意救首救尾卒亦
不遂既遂亦無幾矣昔者人愛丙魏佐宣帝丙魏固美惟其不

誠故不免有所願惜畏憚而不自盡君臣之間至於願惜畏憚而不自盡嗚呼殆哉于時國家新興霍大將軍收權在上前日之疑未釋故二公不敢罄盡知術極其設施皆至不敢一言以及私恩弱翁惟奏奉行故事漢治至于雜霸而止伊二夫人之由不可專令宣帝任其責也今日朝廷之勢陽似於此而實不佯者陛下聰明寬大聽言如流兩君子溫而莊文而有禮推心勸力無纖芥之嫌朝路寢燕廣內都吁促膝論議密勿不可得而聞但見廢卒時當進止收宜官以人授法以國行疊疊然入于藝祖神宗之世矣望之書生習聞古義欲贊而不敢諛欲美而不忘箴且既爲是諫以獻其又敢以不誠而事相公故敢復道其所聞一二以爲繼焉不泄迹不忘遠武王之所以大也嘉言罔攸伏野無遺賢方邦咸寧堯之所以盛也望之無狀以爲不泄迹不忘遠不如使迹不我泄遠不我忘而後勝嘉言罔攸伏非固不伏之也使無自伏之方野無遺賢非固不遺也使賢

不自遣而後勝天下之大望之不敢知然寓蜀之蜀士屬材則知之矣事之欲忘而賢之欲遺望之以告相公曰無有不曰欺乎且其來而見相公也實不苟然蜀五十州小人固謂其妾君子則曰吾有以知之且以之卜也然則相公豈可不一念之乎

上秦師相贊所業書

洪內翰

某聞草文簡公表遇之日自歎畝走京師手其所爲制詰一編執贊諸王公大人之門人見者皆非之以謂士當業時文取科第是豈所當爲者徒索日窮年而不適於實用復以獻達官第速文簡公獨毅然不顧曰異日當有知我者其後直掖垣登王堂以致政地優游夷愉若固有之而昔日所爲文始盡得施用今夫託質於人明日而索之或得或不而文簡獨謀於心責成於身取於數十年之後若囊中物交手授受嗚呼有志者事之竟成如此某少驚鈍賦質甚下無分毫可采父兄愛之既至而慮其愚且憊也捐書數千卷俾之讀誦然才拙志庸要意遠大

不肯錄錄通大義作詩賦與朋曹爭長雄以遠時勢而取世資
蓋嘗切慕文簡公之志取衆人之所俳笑天下之所背馳者為
之會天子設明利以取士聞有所謂博學宏詞者就求其術或
出所試文章則以制誥為稱首於是私竊喜幸專意為精與其
一有所成可以謝平生之稱願棘闈既辟一上而輒不偶退因
自取所試讀之則顛倒扶裂漫無統紀顛怛怛而心不寧者數
日是其業不才實而其中空虛無有而然也私自憐悼悔其初
心而不能改將求天下之大手筆者北面而事之庶乎其有益
也或教之曰大丞相秦公道總淳備文章雋偉方駕乎前人宗
師乎當世蓋其殆也實以此利進晚出之士不能親炙先烈以
增益所不及是亦自弃也已子姑試携所習肅拜道左希警
歎之論者乎而某自見齒少且賤又不肖無一可以事君子
況在牛相吾君所尊禮者豈敢造次而進自納於不測之誅故
足欲前而心輒止終不得使令於前後未幾側聞閣下建万世

之長策安坐廟堂而還數千里不能回之驅駕四海九州之人
寒者得衣飢者得食相与安樂百卒盖自今日始元勳偉蹟熙
耀方古章章然不可掩如是方且自視然不以富貴自大見
天下士則挽眉折節之不暇士有名一藝范一長者莫不跨山
谷蹈江湖遙從塵之不憚踊躍奮厲于然而歸駢眉累迹越超墻
仞規援臺之青春丐啓齒之丘山以為終身極榮者幾人于茲
矣而某猶切畏懦退縮躊躇願望不能仰首一鳴則不肯庶知
將見屏於鄉閭不得齒於士君子之列駸為小人之歸矣是以
幡然起釋然悟洋洋然動其心振衣彈冠願一望履綦於廡下
不竟其身之卑言之躁也舊所擬制誥雜文凡十篇謹賦諸下
執事伏惟閣下擴長育人才之心水導而木植之興其耳刮其
目踈暢窮達其聰明俾昭然知所趨避不繇於往復之迹則閣
下於其生死骨肉之賜也某視文簡公無能為役區區之愚願
安系教而已若曰官盛近諛古人所誚則非秦之所敢知于胃

威嚴俯伏俟命

代上師相書

同前

政和四年某始冠學爲文章事鄉先生張時諤士有自上國持
執事首冠成均論曰天道不言而善應以來先生伸眉揚衡而
觀之蓋一讀而喜再讀而歎三復而語客曰古語云青天白日
奴隸亦知其清明斯文天日也天下之事識與不識寶而嗜之
固宜然至其爲人其尚志其將大奮發於異日勦烈盛名亘今
古塞宇宙則人未之見而吾獨知之某時樞衣坐隅蓋嘗目先
生餘論昔者座右與執事游舊矣時鏐未甚了竊識而難藏之
既期而執事擢上第又十有六年今天子行在於越執事自寬
廬持大漢節旌以歸片言悟合瀕然位都上衮歸厚故舊首以
逸行薦聞上方側席幽人求之如不及東臯蒲輪實有日矣而
先生留落偃蹇寸進未退九品之位其可望二頃之田其可食
窮天定以病不能自還易簪有遺言吾得相公為人踰二十

錄至今將一施之而日薄西山棄於中道曾不得與鼓腹由頤
者共壤而擊豈非命也夫某少讀聖人書在先生之字下非一
日旅食壁宮一星終矣分儲忝積齒名上游用志承蜩累三九
而復墜凡七恩春官而卒無成晚効一官代地兩遙師友親戚
之所閱笑故人鼎貴不復何問亦羞報憚見之如瞽無相索塗
於大澤中攘攘皇帖九死而益固天子其幸事發相重遂見執
事登元宰宅帝師尋約信於北鄰旋驅車於東朝立大學定郊
祀肅會朝信三王四代之遺風見効惻然俾家室戶曉者如是
而調度才幾輔贊弥縫聖天子垂衣拱手於上群有司受成於
下四海九州之人無間於貴賤賢愚長少遠近幸欣欣然遂其
歡心其才不可得而見者人如此士於斯持親得命世大儒以
為宗師羴狼竭尾莫或遑虞斐阮瞻三語於默中奮轂蔑一言
於堂下不知其幾何人矣某雖至愚且賤幸生畿甸去朝門無
百步之遙不病狂而疑絕遠去而高逝獨偃偃然灰心於方一

其則自棄自暴小人之所不爲蓋先生之不遇非不幸也余也
某獲覩聖時親盛事而不得擁篲於門下是不幸也亦命也嗚
呼先生已矣而某猶在執事生之以垂死之年導之以真行之
視狗馬寸心圖報爲如何也引而進之正在今日執事其亦矜
察之

上宰相書

趙狀元

某嘗讀三代以下書切怪治世少不治世多反覆詳究私歎初
非治不治之至於此也天生時聖賢乘時天下之人日趨於無
事之境其形其微其來甚密衆人属目未見其來之形而不知
境界之既立也造作言語挈而之他委既成之業違將亂之時
天力返所不能勝譬如大江既決奔瀆四出浸淫日久漸復故
道人力既至則可以盡復初來之舊而後憂不務出此乃多爲
隄防以障惡其所當行而引導其所當避無怪乎河患之不息
而削功之頽奔也人之言曰去來者時也可否者勢也嗟夫不

在立相造命之語而挽之某知其無足云也而言語如此亦可謂
不知道者我國家以道德仁義統天下垂二百載陽九之運既
去太一之福斯生誰與之功也共惟太師相公積諸中者如天
地海內之紳亦不足以形容万一獨其見於外者熙然爲春祭
然爲夏肅然如秋冬者人得以指而名目之曰此春夏秋冬也
安知夫元氣初何可別哉亦有能言太師相公之見於事業者
矣今天下之人自以爲脫戰國之場而履衣食之地無輸運之
煩而致安靜之福息金鼓之聲而聞絃誦之教朝廷之上法令
脩明典章備舉夫吏盡其職民安其業則曰相公使我致此又
安知所以勃然立太平於擾亂之際者聖主配天之至德而相
公格天之大功也某聞之聖賢相逢治具畢張有堯舜在上禹
禪爲相禹在上皋陶爲相湯在上伊尹爲相文王在上周公爲
相凡此數聖賢者所謂一德享天心也至於成王之於周公君
臣之際漸見間隙則風雷飛變宸心一悟反災福於瞬息之間

故曰咸有一德克享天心周公至此其視禹稷臯陶與其身之初亦有所不足哉自三代以還能探天意以立時運惟主上與相公足以當主上推至誠以待相公相公推赤心以報主上君明臣良知天意之必回而民以之思治也斷然不疑偃戈植文以迎天意以順衆心當是時羣議毛起欲壞成績彼方安其未成而時其將有立也而不在我者既有以處此矣惟相公能知天意之所在主上能循相公之所議天亦知主上與相公克當其所然聽之是以十餘年間兵甲寢息五穀時熟天地清明日月照耀南北赤子一歲所活幾千萬人十年之間十倍數之爲幾人哉昔之言曰活千萬人子孫封侯漢室蕭曹僅能與民休息子孫傳國幾一百年況相公生死骨肉不可數記天之報秦氏與皇宋無窮人惟曰不足也某西南之鄙人也以職事至闕下者相公賢開絳帳領袖後進某隸業功名親聞木鐸之音倉卒之際相公建大業定大議某亦親見之惟其身何者動植得被

教育又自私念居今之世得值禹稷皋陶伊尹周召巍巍堂堂
豈非天錫之願畢矣其受教之舊亦不負天所賜矣惟相公召
而許之與錄而用之使某得生成於草野之下不負為臯稷周
召之民志願允畢矣

代上太師書

同前

某鈍滯無能因緣世恩得被簪纓竊祿廩三藩守過其分其成
無効尚追刑誅猶不自懼燕陋之詞每至黃閣之下僥覬德澤今
漠然無報必其不肖之狀既形而驚蹇之步不可策也傳有之
時不再來聖主不世出良相不時出天下斷乎風俗淳厚大者
感動名小者效尺寸向之深山窮谷遁世不耀之人皆有投足
耳嘉帝之心豈必人人好富貴哉聖賢相降千一不可知也不於
此時策名百執事之末亦豈不足惜是以雖高帝嫚罵蕭何狐
文然能以治易亂以仁代虐則商山之叟弄其八十年隱淪之
舊來歸漢起以共扶持四百年之神鼎史失其意以爲臯稷周

能真果可以致來斯人是不善議時也自今觀之四老人且至
其外有不至者哉天下之士有不以貧賤爲耻者哉故曰我後
子先古今人情一也共惟大師喬岳孕秀以爲皇宋萬世社稷
之輔靖康始難則已建大節定大議宗廟長之天地知之兵興
一周未有底極主上既已厭兵天亦悔禍之延順人心而弭難
也在廷之臣無有能合天意契聖心者相公寔始慨然以身任
之自是兩朝赤子始得解甲釋兵以與父母妻子同有生之樂
古者非撥亂之爲難一日廓然有治平之功此最難者也以其
致之之難是故過之之難以其過之也難則天下之士愛日競
辰懼不一投足於其間也蓋亦理之所必致者矣今相公既已
爲此時矣凡有血氣必有爭心此其所以再三瀆尊不慮斯刑
案之也伏念某蒙相公器使而弟慙亦蒙聖恩視頒近臣相公
實推挽之兄弟冒寵不知報德然猶叫號而不知止則以其親
值難得之時及此日得効尺寸使人不謂天下有道而耻爲貧

賤也抑又有不敢去者其從仁三十年家無餘貲無田可耕無
屋可居弟某在時屢入有繼奉以三百指謗之門戶周喪兩家
幼累萃於堂然之躬自以紆朝廷組綬立於士大夫之後不欲
逐商賈謀財利以自活而至危急如此進退如此不控告相公
欲何爲去也伏惟造化之宰念使令之舊哀旦夕之急憐其幽
騷之哀察其志願之切向之西南一郡俾得盡力某雖不肖願
奉宣朝廷法令不敢曠職以累陶鈞之化漢史紀孝宣中興丙
魏有聲吏稱其職民安其業某老矣尚能以此報聖朝使後之
視今亦猶今之視昔也相公儻加德焉

上宰相書

方舟先生

某聞之天下之勢藏於天下之風俗而風俗之變成於士大夫
之好尚勢有不可以爲僞而風俗不可以驟革聖人非難乎革
也以爲首之之難也蓋天下事物之理惟其不能以相一則必
繫其不一者而求於至神至密之地以激成不變之勢天勢之

所激是果何以致此大平之世明聖垂衣拱手于上而宰相璽
百執事於其下習于寬緩和易之域以期天下之無擾心意之
所憤口語之所宣將以是納一世於君子長者而後已此其用
意豈不甚善然天下之所樂為夫一世之所安則必將有不慮
之變歲於其間而勢遂以成天下之人惟見平勢之宜為此也
則求其故而不能得獨不思其尚者之所樂為今日之所安皆
習久而玩熟放弛而不力則稔成必然之勢也固宜君子之更
此惟其素所抱負求以振起天下之勢則將有不言而風行不
動而雷聲者靡然變其前日之故以使之一新而自力之所樂
所安之既熟蓋樂至於過而安至於弛則誰為任事而循名責
實至於使之整頓不寧則又非盛世道德密庸之意恭惟真宰
造化天裁而人選則今日之勢有不知其然而然者以自革於
偷儒苟且之俗石歸不肖何敢議及此耶重惟今日之治天下
士大夫宜各竭情殫慮曰小曰大隨所處以自力了事功之急

願祖于所樂所安之習而視景偷日一切相戒以無爲多事則
吾君吾相未必肯許其如此而無害也蓋聖人之於天下也非
習俗風流之爲憂而紀綱法度之不立紀綱法度之在天下其
所寓甚微而毫髮之不戒則勢之所以養成者多有不虞之悔
異時熙豐之盛以極于宣政之大過執事惟不知紀綱法度之
所在而一切從事于虛文以侈天下之耳目勢既稔成而風俗
如平川大波放潰發洩求其所以至此而不能得相激相作一
日之積而爲尔也恭惟中興以來三十餘年矣生聚教訓忠厚
之澤所以浸漑天下之肌肉者不爲不至石之私憂過計獨不
及于天下之勢而以原于風俗者何也蓋昔漢文之世在位者
皆以長者得名而天下無事亦有可憂之勢賈誼故獨喻以措
火積薪火未然而謂之安誼之通達國事而必有見于此矣夫
以文帝之寬厚而大臣皆以長者自處則誰謂天子任其議以
存天下之法蓋長者以仁而長者流于鄉原不可不畏也今日

天下之風俗所以作成天下之勢似不可忽也通其變使民不
倦或者士大夫今有其倦者矣齊威王所以賞罰即墨而墨者雖
非盛世忠厚之比而於今日天下之勢似當於此而後興起也
石孤遠小官議輒及此不任死罪然一官遲晚垂垂五十飢寒
凍餒之恤所不宜言以求出其言則似非苟然也天下之事忠
之於山澤而或明於市朝石尚有敢言者執事其察之

與蔣丞相書

同前

以不言爲施以不言爲報上下貴賤交相禮也且言者施之未
大而報之未隆故以天地万物不言爲全相公之於天下士其
所施甚大何用言之於一介之惠而石之所不得不言者非以
是爲報碌碌明其心以不徒言於稠人中也別相公幾年蒙記
存問蹤迹姓名於蜀士去來者日熟一日不倦於成就迪誘而
納之於造化之塗枯朽挫折十顛九躓煖培壅而費執持者天
下士莫石之若也今天子作新人物相公獨渾渾進退去取之權

其備賢不肖善否之狀甚明而無有雜糅混并不辨者相公乃肯曲收於瑕垢疎斥而全貧乏者誠以石親老而急於養也雖計日受廩而食之於前旨味賄賂所得不絕愛其親以不遺人之親石受賜厚甚此其心不待指天誓地人皆知之似不必更言言之貲矣但不忍默默以負相公期望之意此來河黎爲六詔極邊遠則大渡河爲蠻貊退則隔九折之險爲山程昔王尊吐馭以矯王陽車名爲上王陽不肯以髮膚犯險況人子忍以垂白八十之母復此畏境哉今年喪小弟舍妹新寡母決不乾兄弟各得一祿地舍弟在嘉州亦極邊石俸入粗可以供養而煙瘴風雨陰翳衆山刺天民夷雜居一月兩月不一二觀星日光明夏月猶附火衣綿毒癘中人脚弱頭重無醫藥可仗雖以此爲親驩然亦方寸炯炯不能自忘傳曰永錫爾類相公念此久矣似上下必言也誠得便於親計使營一杯菽水晨昏致相公所以分甘絕惠於人子者亦區區之心也所幸此來

既與似相向察其公廉不擾而知其信義有立相與強屬至市
亦備知吾君吾相不遺忘遠人而厚賜之至此也到官有一二
事似非書生常談蓋前此一二守有請而未獲者伏惟相公當
國石適守此郡操刀必割與空腹推食二者用捨之機惟審圖
之干浼鈞嚴不任戰灼

新刊 國朝二百家名賢文粹卷第十五

新刊 國朝二百家名賢文粹卷第八十六

書

上侍從書四

上禮部范侍郎論廣文館生書

濟南先生

某聞古之名臣所以下効業者非以匹夫之論必賢於已而廣
聽後謀欲取其智以益已之志若乃用其智而果有功力已之
功也古之志士遇事感慨未能自試其才然時與事會憤不遇
失必諷諸在位願行其說若乃行其說而伸其志乃已之志也
夫士之先達固可自賢復能不遺微賤取其智以爲已之功士
之未達身雖困窮復能不以微賤自鄙假賢公卿以行其志非
惟世無失時之事事無可悔之策然其人之才識志意亦可察
見某游執事之門有年矣雖碌碌不足比數然不自量常以
國士自居而亦欲以國士上報異時執事拜諫大夫固嘗夏言
欲補萬一首拜宗伯嘗欲復効愚忠思未有以數日者獲侍樽俎

竊觀餘論將置廣文館生之說退而思之欲擬作一議而又不
敢轉陳管見以訂其論夫朝廷崇忠信之化惡誣謾之俗以三
歲秋賦四方游士容于京師偽為僞寓之籍以誑有司者無慮
數千務有以制之甚善甚善然國朝者令厲禁素密滋生詐起
必朋比相容共為詆欺故欲嚴地著之法則地著無恥之人與
容姦之地蓋有以百畝之田畝為一戶戶為一姓彼姓氏皆可
通用符券皆能合式人人用之無不可者有司先得而詰也則
地著之偽不可除矣欲嚴互保之法則彼冒戶之士自為朋儕
更相蒙蔽初未始有一日之雅而乃相保平生之行非惟戶籍
之不明言之弗審雖易姓匿喪逋囚間諜亦無自而知彼給
保之數合式有司無得而詰也則互保之偽不可除矣而又况
天府試期比諸路為晚彼無恥之士或易數名治數經州試畢
而復試於天府已試於前場而復試於後場非惟自詭其名而
冒英代人者且士人應奎覓官將以事君而於試藝之初已誣

謾如此欺有司乃欺君也欺人乃欺己也將安用之然欲廢開
封貢士本額惟置廣文館生使各用本貫貢貢秋賦之年前期
先試以補三千五百人俾就秋試其解額十一取之其意誠善
矣獨不念開封雖偽戶之士衆然畿內地著貢實之士亦無慮
數百今也勿以首善之地當優之以為郡國之表貢亦以為一
郡彼諸道列郡猶且貢士而開封獨不然於義未安或曰朝廷
既建大學彼解額最優奈何不以歲月居之以應其格乎惜不
居大學而今也又大置館生汝則不預尚奚鄙哉四方之士廢
祀壘登至京師多假厚貲可以久居太學者或寡矣公雖設館
生凡來補者非學試不中程則居學未滿歲者也抑亦或以事
變靡及或以病而弗堪或喪期之未終或米鹽之無暇或不及
一時之補或雖補而偶失而乃使弗就秋賦若在可閔以謂君
子制法當俾變通可推不膠於一曲則隨事制宜雖久不散若
夫更張前制必觀其其弊之趣而改作之無但苟易其文不究

其實必當使自我至於元弊也已夫偽戶之士非喜於冒爵而樂於行詐甘心遠客而願費費用止以本費解額太寡故費糧負效垂集京師倣倖於一得而已若已置廣文館生雖曰使之真用本籍亦朝三暮四朝四暮三之術名苟異耳又况遂廢開封之額非允於衆論也欤某之意以謂莫若平天下之解額使遠方之士自不為偽之為愈天下解額既平雖曰捷而使之為偽戶亦不可得何哉今天江浙閩蜀等處極多而解額極少至有百分取一者矣京東京西河東河北陝西諸路舉人或多或少先然解名此為最優故十取二三有之十取四五有之十取六七有之至於解名有余舉人不足者亦有之若乃通天下解名會計而揔準之約為中制二十取一乃平無間天府無間五路通天下皆用此例然則孰有不均者乎然則遠方之士曰二十取一天下通法也自開封建于四方一也尚何樂於行詐甘心遠客而願費費用以為開封偽戶者乎行將使士風丕覺

安居井疆養生送死謹身慎行斷鄉里稱為善人矣此亦教化之本也或曰國朝以來最優五路一旦解名率與諸路均可乎曰烏是何言也而以謂河東河北與夫陝西舊所以優之者以近邊圍款京東西所以優之者以近王畿歟夫五路諸路之士皆王土五路諸路之民皆王臣匪無偏無黨而有優有抑非王道之平也以邊圉王畿而優之愛人以姑息也或曰國朝以五路之士文不勝質故進之以諸路之士質不勝文故退之於五路當於短中求長於諸路當於長中求短吁是亦待五路之淺且五路諸科之額甚衆自諸科銷併改為進士之額已不加少諸路諸科之額素少而進士之額不增故不加多至於禮部亦各用其路所貢之士計其分數以取之以是五路之士得官為多天下之士應舉之法同而取數之法有異獨優五路無乃不可乎今誠能平其解額而禮部二十取一之數亦如之則王道之平也雖久不弊也愛人以德非姑息也或曰子之說誠善矣

然亦有可欺乎白不過妄引推繇張璠虛數以給于有司而已
今俾天下之土地著為孝而安胤於鄉不為誕謾而務為忠言
雖張璠數其亦可與其進矣伏惟執事以道德文行勗亮人主
方且朝夕納誨欲致吾君於堯舜三代之上故有獻有為必以
忠信為主而又職當孔教位兼儒師凡厥士類莫不延頸企踵
以須風化之厚今其所有天下當均平為心則天下之美歸之
夫科舉之弊其已久矣寔有待於執事之更張茲時不可失惟
執事不以人廢言姑攷其說或有補焉嗚呼此非嘗試之論也

上東坡內翰書

馬學士

愚僻嘗自歎鄙性有不幸凡天下得利之類衆人之所汲汲者
自強其身終不肯前素於取窮可諱之事則往往欲奮而不顧太
山梁父古先王封禪之地也上有金函玉檢之書告功皇天暴
德后世東望幾日矣終不得一往稱贊盛美乃欲登首陽之巔
尋富春之嶺想見餓夫狂奴之遺事又聞長安有天子之死曰

上林其間毛羽鱗介沙礫牙孽垂蝦蟆躍而嗽唧者不可勝計
終不能條列品目作為辭賦以夸麗取妍于時私心乃獨喜燕
趙之士賣鬻屠狗之人則欲撫劍而悲歌過通都大邑公侯富
貴之家何門不可以曳長裾乎如有鬼物鑷其足入其郭必
至腐城敗壁之下恐有操瓢而飲水者嗚呼切自歎恨獨不知
此心顛倒若是者果何耶抑嘗學為詞放聲而長吟誦說美德
則語塞而意不發遇事有所感激不得其平而鳴則語暢而條
達某乃江南鄙人也犬馬之齒及壯矣數名不聞于時短褐不
償其身累大口衆無斗粟以飽正坐此窮耳每欲求天下青雲
豪傑之士而託之以此身茫然四顧廓落無所合故自前年過
重湖浮大江渡淮所外至于天子之國賢士大夫雖未及見亦
嘗側聞其風矣率皆道大德博整修其身赴時而就功雖步趨
談說必求合於規矩法度顧不肖之所挾持將何以動之乎獨
聞眉山先生放然不知時負罪抱累而自弃於谿山僻陋之域

此固窮者之所求也士欲吐詞以開心胃捨此安之乎願以微賤之軀取累門下不知公將容而卻之否耶切聞公節槩甚高德宇宏闊天性喜士可撼以氣而小生孺子斐然不顧直欲摩拂之辟如新生之駒交蹄蹄躑躅癡不知懼而蒼麟蒼驄垂目下首若怜而縱之豈不幸耶如賜收容以俗洒掃當為公祖抑語言觸犯顏色以拾遺文奇字而藏之名山大川雖至窮死似或無悔

上內相蘇公書

澗上丈人

月日某東向再拜上書于內翰閣下某自以才能無奇而志業未就未嘗一執贄以來見於當世之鉅人賢士間者詣闕上書請立先正文忠公神道碑而願假閣下之文以為大賜於是始踵閣下之門展閣下有懸弧之告不得望見大賢人之風采獨嘗以書屬於令子退卧臥啟為病所嬰涉夏歷秋介居韓野既不聞朝廷允俞之音又不聞內翰開可之意思之悻悻中夜以

興瞻望京邑魂神飛越伏念先正文忠公追事兩朝歷年多有
勲勞於天下如某前日疏之朝廷布之下執事者皆可攷不誣
而宜書之美特有未足然自先正薨背逾四十年墓上之柏亦
已拱矣而某之祖考又皆無祿相繼殂謝是以表墓之刻久而
未立若有待然伏惟某官之鴻文大學充滿天地度越古今前
未見夷而後難爲其紹一言之出後世卽之如泰山北斗而先
正今日獨得假其稱述以垂耀後世豈唯先正實享不朽之榮
而某之不肖得遂其至願其亦天下忠臣義士用以勸獎而後
世之論考先正之行事將不求之史而求之碑不知閣下固已
嘗被詔旨而抒雅意乎此某之所以日夜仰望而莫知所值之
者也是用馳一介之隸布其愚衷以俟閣下進退之而某之族
親散在他處固將鳩輯先正之遺文籍之協力以異是事而某
之不肖之疾亦漸就平愈不越月將復走京趨伏門下以躬承
嘉命坐而馳書以瀆高明誅絕之罪固無所遁伏惟內翰裁察

上庠侍郎書

魯國先生

知府侍郎閣下某僞負學校三載於此在輩流中年增敏爲老
大詞氣學術寧爲淺陋教養訓導之方竄爲疎拙所以未遂即
去正賴主人以爲重今閣下選朝曦夕大用爲執政爲宰相爲
公爲師此誠門下小子之所願聞然孤宦小官遽奪所依此其
胷中不能无介然者日夜思慮求所以補報萬一而書生門戶
无有他技因効其所得於古人者謹閣下裁擇其初讀書時未
習時事意謂古之聖賢例湏建立功名其後涉世益深更事益
多攷論前代怪史益見首尾乃知古人之心本不如此舟遇險
則有功燭遇夜則有功藥遇病則有功枴柳遇旱則有功戈弩
劍戟臨衝斃整遇戰鬪則有功凡物有功采非得已龍蛇雜處
而禹有功草木障塞而益有功民不粒食而稷有功天理人倫
顛倒失次而契有功夷蠻賊寇干紀亂治而咎繇有功自此以
降不可勝數然皆因時立功非聖賢本意伊咎臣扈互咸相太

成無他奇功以格上帝又王氣爲功聖賢甘盤傳說相祖乙武
丁不聞有功以保又有商爲功君陳相成王畢公相康王不自
立功以循周公之業爲功後世知有功之爲功而不知元功之
爲功其去道已遠至謂聖賢有心於功名其探聖賢亦淺矣天
下承平日久綱紀文章纖悉備具無有毫髮未盡未使一部周
禮舉行略遍但不姓姬耳竊謂今日正當持循法度不宜復有
增廣肆置歌呼於吏舍者勿問醇吐於車茵者勿逐客室飲有
所開說者飲以醇酒勿驕擇士唯取通大體知古語者用之雖
不立功在其中矣某之所得於古人者如此不知其當否也
閣下儻以爲然歸見何丞相其亦以此說告之

上邢侍郎書

玉臺王公

某嘗謂才之於世不可一也天下有事以奇爲先天下無事以
能爲重方其有事也智者獻其謀勇者效其力披患解紛興廢
補弊以趨於功名之會當此之時非奇不足以濟之及其無事

也智者有餘謀必鑒鑒而生事勇者有餘力必貪而喜功紛更吾
爲無病自炙而天下騷然不寧矣當此之時非重不足以安之
切觀前世治亂安危之源其始未嘗不以才而成而其終必爲
才之所擾時君少主知奇少之可與有爲而不知重才之可尚
有守是以卒至於亂危而不悟甚可痛也昔者呂錯峭直刻深
專以術數開導人主乃欲侵削諸侯更定法令景帝獨善之而
申屠嘉不用公孫丞相以常術進而懷詐取容張湯以律令顯
而深文巧詆武帝皆尊之而汲黯被黜夫晁錯公孫張湯其才
非不奇也而無所用於景帝之世申屠汲黯正直守節以身殉
義招之不去擢之不去其在朝廷則尊主死民以消未萌之
患此才之重也而二帝莫能用故景帝有七國之禍而武帝末
年盜賊並起此用奇才之過也其自牛角讀書記聞閣下名及
長大從搢紳先生遊又稔聞閣下之爲人如古申屠汲黯而學
術政事過之閣下爲布衣時其闕大之器已有公輔之望自初

登科遂外州府歷臺省侍從議論人主前皆守正不屈必直其
行而後已毀譽得喪一不能動此真孔子所謂大臣以道事君
者至歷藩輔當邊寄從容談笑而事無不理又皆閣下之餘事
也閣下之才可謂重矣某仰閣下之風而恨未得見劾官西輔
未及一年適會閣下入鎮於此某得從賓幕之後朝夕進見仰
視堂堂之容而側聽緒餘之誨信乎其所聞矣某愚且直才不
能奇而切愛其重者今日起事下風誠不勝幸願昔孔北海論
禰衡以為鷙鳥累百不如一鶚使衡立朝必有可觀古之君子
所以相與者蓋在於此某非敢望衡也不識可辱北海之知乎
惟閣下裁之

與黃尚書書

五臺王公

戶部尚書閣下去年冬初曾遣人奉書去人今尚未回不審得
達否此日秋深伏惟論思之暇台候萬福某監廣漢郡七月申
代者已來交割訖自念從仕三十餘年在官日少間居日多口

累愈衆衣食愈不足既未有退守之計不免仰祿諸葛孔明出
師表云臣本布衣躬耕南陽苟全性命於亂世不求聞達於諸
侯每讀至此自傷此志之不遂也西南自失關隴以來狄人日
有屠蜀之心去年破饒風陟山南不守而歸今年破和尚原至
青泥阻險而歸蜀地四路利州路今已殘破夔州路山險瘠貧
東西川號爲饒衍者亦不過數郡自用兵以來歲費十百方
力屈貨殫坐以困弊計之乘敗舟泛大海而無津涯畔岸可爲
危慄今郡縣吏收養百姓隨軍計司主財邊將治兵各不相知
故民已困而計司誅求無窮財已匱而邊將募索不已縱免外
虞必有內變而執事大人曾無遠慮苟幸無事以偷朝夕此事
朝廷不可不知也蜀地僻遠朝廷之事不能悉知時見邸報一
二則似安樂無事然其切私恠主上越在東南于今八年宗廟
社稷未有定止宮省庶事率多草創不知廟堂大議凡所以云
爲者王耶霸耶如孔子之學欲王無難孔子曰一日克己復禮

天下歸仁焉孟子曰天下可運於掌若以斯言迂闊難用則蓋亦先定吾規摹霸有具蜀明禮信脩政刑使上下一心內外齊力以觀天下之變勢不出十年亦可以得志矣閣下以爲如何無緣面論向風馳仰千方爲國自重

與鄭侍郎書

王堇王公

得象侍郎閣下春中曾上狀此報此書中路已浮沉矣往年京師數得拜見欸聞議論之益遠別以來變故如此可爲流涕昨春得邸報見閣下姓名進貳天官恍如夢寐因郡中遺人草率附書不意此書不得達也懷想盛德曷勝馳情近來秋涼伏惟論思之暇台候万福自北胡稱亂天下左社主上即位南都轉徙吳越于今八年仁聖焦勞於上群賢雜遝於下而中興之業圖王定霸未見有卓然決定之計昔夏少康邑於綸有田一成有衆一旅而能修德以蔑過戈祀夏配天不失舊物今吳蜀之地不失於論夷狄之暴甚於過戈或者比少康之初有未定乎

孟子曰一正君而國定矣閭下而諸公勉之至如西南之事虜人日有屠島之心兵將之奉歲以十百万賦歛愈重征役愈煩民力不支已自敗矣執事者曾不熟慮周思爲長久万全之策有識之士深爲憂也其疎愚無取非敢論說短長但自笑平生所學迂闊難用聊與閭下談之

上黃門蘇侍郎書

固窮先生

古之聖賢自任以天下之重雖功名富貴時有不同至於進退行藏不過一道曰正而已矣孟子曰天下有道以道徇身天下無道以身徇道夫惟時之必有治乱道之必有興廢而聖賢之有遇不遇也是以古之人用則以正進其身不用則以正明其道昔者伊尹耕于有莘之野湯使人以幣聘之伊尹曰我豈若處畎畝之中由是以樂堯舜之道也又曰我何以湯之幣聘爲哉伊尹非不知湯之必可與有爲而欲亟售其身也蓋以爲不能自重而輕以身徇人則物重而已輕物重而已輕則人君亦

將易之而莫之尊憚道未及行而已先屈矣故曰非其義也非其道也雖祿之以天下弗受也夫惟處畎畝之中以天下祿之而有所弗受使一朝得君而信其說則知其心不挾天下以自利也故能以匹夫之賤屈萬乘之貴舉天下之大以聽其所爲而不以爲泰者其道出於正故也孟子曰我非堯舜之道不敢以陳於王前故齊人莫如我敬王也又曰如欲平治天下當今之世舍我其誰也孟子非不知時之不可爲也而每汲汲於求進蓋當時士大夫握腕而游說者術有餘而道不足苟可以邀利而求名者率攘臂爭先揚墨徒又倡爲邪說以亂先聖之教孟子以爲不直其道厲其言則不足以決天下之蠱瞽而反於見聞也先聖之道遂至於委靡而不復振也故傾側齊梁之間据札以折右師之汰抗詞以伐臧倉之毀其言峻拔嚴厲足以激末俗而振頽風軻若得志其功豈減伊尹哉故伊尹處時之可進而每事於退孟子處時之可退而每事於進二人迹不

同而同歸于正何則伊尹先正其身而後行其道者也故將進而先之以退孟軻取身退而道不明於天下者也故處退而示之以進將進而先之以退不詘身以伸道也故身益尊處退而示之以進不屈道以伸身也故道益明今夫功名富貴人之所必爭而聖賢之所不能與有也唯不以物累己者貴身而賤功名大我而小富貴功名富貴一付之儻來而不輕以身与之較故已重而物輕已重而物輕則可富可貧可貴可賤富貴而身益尊貧賤而道益明此伊尹孟軻之所以同歸於正無意於世而世歸之也後之君子則不然其待物也重而其所以待已也輕道不足以勝已已不足以勝物已與物相戰於榮辱利害之途而卒為物所勝則挾數任術以事懷奪背師毀友以奉權勢如漢之平津安昌侯輩身為名儒經術辭位居當代之冠觀漢帝所親款為時流所歸重必有大過人者宜其正色慷慨發明六經之蘊足以收末學之弊而折英雄之謀然位至鼎輔而身

不免於阿私口談先王而行有甚於龍斷唐之柳宗元劉禹錫
數子才名擅天下其議論文采固足以自立於世然不能厚自
戕拂而見得忘義附麗匪人一跌而不復發言怨刺亦足以明
浮議是豈功名富貴誤使之然哉平津安昌有其位而不能以
正守之故志在特祿而卒死於阿諛宗元禹錫有其才而不知
以正用之故輕以其身為人用而終亦見棄於世是數者皆負
能為之才乘可為之勢惜乎不知以正行之也某生長村野未
嘗獲見天下偉人自顧愚陋何足以造古人之閭闕然自少稍
知讀書嘗聞父師之教曰吾鄉有老先生蘇公者其為人也好
學樂道有伊尹孟軻之風今雖不及見其子東坡先生與黃明
公皆能以老先生之志行於天下高氣直節凜乎在上如巨山
喬岳雖不見其運動而豐功厚利贍足天下多矣是以揭來京
師願一望見之而二公適在朝廷幸今天子即位之始稍欲收
還故老大臣尊禮而用之二公德望在天下凡忠臣義士率手

相賀者莫不以二蘇為稱首庶幾伊尹孟子之志復申於今矣
惜乎未及用而東坡先生遽厭世公亦棲遲在外夫公之遇不
遇四夷八蠻視之以為天下重輕公豈永於世者而天下望之
如此今雖不用公如用之亦未易決而前也彼用不用於公何
有哉孟子曰我善養吾浩然之氣其為氣也至大至剛以直養
而無害則塞於天地之間配義而道是集義所生者非義襲而
取之也夫守正行義持之以不動心而剛大之氣遂至於塞乎
天地則舉天下之大孰為有重於我者天下之大莫有重於我
則公之處世豈不綽綽然有餘而其志豈淺哉觀公正色立朝
而使姦人恆子屏氣側迹知有畏憚及一旦解綬去職遺屬責
如鴻毛天下知與不知莫不想聞其風栗爭自凜雪唯恐有污
於已者可謂特立獨行而無累於正矣湘沅長沙屈原賈誼之
所以辛酸愁苦而卒殞其生者也而公涉嶺万里觸冒瘴癘困
折百端無一毫少挫竟完節而歸脩然獨居嘒々公大人之尊

就顏回原憲之樂剛明之操過乎屈賈之上豈非道足以馭氣
氣足以勝物而所守獨出於正者邪昔臧廣平治南海開元召
而相之使大闢人迹之比至不交一言廣平惜一言之出而天
下之仕者不敢不以正事其君張曲江勸人主重名器且云羞
與牛仙客韋重等列雖以此踈外而終唐之世天下稱曲江公而
不名仁賢之遇不遇天也豈一嬖人所能毀譽二公亦知天命
之在我而無遊爭之言也故能以正出處而不污其身今公之
進也以礼而退也以義進退行止一本於正而不以貧富貴賤
累其天真上期合於伊尹孟子而下得遂廣平曲江之志則公
之處事亦可以無憾矣故某不自揆輒舉伊尹孟軻與夫宋廣
平張曲江以折公孫張禹柳宗元之徒而試陳子執事卒然不
知其身之賤而言之僭也伏惟執事才全而德不形道大而不
遺微細感鍾離之採聽越人之音而怜其志在於父母之邦也
少加優容他日使得問道於下風不勝万幸

上虞尚書書

固窮先生

教化之本莫大於厚風俗風俗之本莫大於重名節天下之士固有委之以利而不動凌之以威而不懼若是者舉世譽之而不加喜舉世非之而不加沮使天下皆斯人之徒則無畏乎風俗之不厚也天下之所畏者趨時附世之士願望詐諂之人悅俗好惡以爲否臧隨時俯仰以爲去就使其徒得志於天下上足以爲朝廷衰亂之原下足以爲風俗夷陵之漸是以古之聖賢小而處一鄉大而治天下必使其久輕去勢利重惜名節而後已何者世之盛衰視風俗之厚薄風俗之厚薄視名節之輕重苟世雖盛也而名節輕則風俗薄而不救其所以亂世雖衰也而名節重則風俗厚而不害其所以治昔者東漢之末孝士大夫人人有輕勢利之心故鼎鑊之威不能移忠臣義士之氣陳蕃李膺之徒談笑入獄延頸就誅有死而已不能偷生以附權倖其後曹公挾震主之勢高爵厚祿以招誘四方之豪俊引

之以名啗之以利而猶不從則挾之以威脅之以勢然一魯國
男子慨然爭之以至終其身而不敢取蓋先王之澤雖衰而烈
士之風猶在士之輕去勢利而重惜名節皆當世名卿才大夫
有以唱之故清議振於上而風俗厚於下後之爲士者不然其
視勢利之崇不啻太山之重而弁名節不啻一羽之輕也故其
嗜利之心如販夫販婦未嘗有箱篋斗升之獲一朝而得千金
其素所蓄積者狹隘徧小而卒然得之自以爲不貲之富故其
志小而易以利動爲士者既以此自喪而上之人且從而市之
故愚以爲名節之不重始於士大夫重利太過而名節之不立
始於爲望者趨利太急重利太過則失人趨利太急則失己失
人則所得皆進取之士其弊也害教失己則循物而有苟得之
心其弊也害道是二者皆非所以厚風俗而立教化也其不使
切有志於此久矣頃者朝廷大明黜陟以賞罰天下之士近自
畿甸遠至郡國崇飾孝悌作新天下之材治將有以振起末俗

追復三代之風閭下以真材碩德實當其任用是輒進其說於
左右夫簿書獄訟俗吏之所爲而移風易俗儒者之高致也往
時朝廷惠學者之淹于習俗而不知正道故設爲辟序經術以
教之由是世之學者考古而不詭於聖人見理而不溺於異說
可謂盛矣自元豐以迄于今三二十年間士風四變大者秉利便
以取世資小者飾妖言以譁衆聽求其守道純正足以激流俗
而振頽風者百无一二豈人之斯行固有時而輕重耶夫三代
之盛略其文而責其行取其實不取其華處之以名利必爭之
地而觀其無奔競欲得之心故士惟務已而風俗自醇僥倖不
生而人知廉恥今之垂紳搢笏焚香於廟堂之二君皆昔之草
野飢餓之士守死而不徇流俗之人也然則使之一旦遭世變
而憂畏塗履危機而蹈水火固知其不捨已而徇人矣夫富貴
爵祿人之所甚好而凍餒飢餓人之所甚惡也然義有取舍則
所就有重輕便所好有甚矣爵祿富貴所惡有甚於凍餒飢餓

則寧凍餒而不爲富貴寧飢餓而不爲爵祿是何也不以所重
易所輕也今之學者急於名利富貴之途而重有飢寒凍餒之
患降志辱身以求媚於世者多矣名節之不立蓋始於此夫飢
寒守死之士進取者之所不屑而王公貴人之所借以勵天下
者也自閤下之來蜀之李者自布衣至於士大夫群至而雜立
乎屏廡之下賢不肖固不逃乎執事者之輕重然其間卓然以
清節自誓足以副天子與李置師與閤下推誠誘進之意者將
何人哉某肩之賤士也自弱冠游李京師凡十年自願愚陋不
足以爲當世取合故未嘗輒求聞於縉紳先生會去年春龍飛
策士陛下不以其微賤擢之上第今者幸得託鑑鍾之間行將
入仕以成其所學於世矣不識執事者將何以教之欤夫千金
之子志在於千金則與之以百金而不動萬金之子志在於萬
金則與之以千金而不顧何則其所挾者在於千金萬金而百
金千金所不能動也士之爲已而能自重其所挾持者遠則其

所不屑者愈大故舉天下之大而彼有所不屑焉則其志又不
時千金萬金之比矣古之人其取人也必觀其所不屑然後許
以名節而士之自立於世亦必能有所不屑然後可与論名節
今世之狹小之士內懷穿窬之志外飾淺近之行而曰我爲名
節者皆中蠶蠶之士是竊其名以自售也其曰時有不得已而少
貶焉者非固守之士是與世而俯仰者也夫與世俯仰及竊其
名以自售使其人一日得志焉則俗之敗壞必始於此故愚願
閤下留意於此焉伏惟閤下望重而德尊愛民而好士寬厚忠
義之資足以消刻薄矯詐之風公廉正直之操足以激貪鄙僥
倖之俗士之進見者皆釋然有得於眉宇此其之所以區區不
能自己也惟閤下怜其有志而恕其狂愚取其一時之言而期
之異日之効則某之望於閤下豈徒西蜀蓋將由是而達之天
下播之士大夫之間舉天下之衆皆知名節之爲貴則其志
於閤下文將有大於此也